

Dr. Adi Martis presentando “De todo un poco” na Ateliers ‘89



ORANJESTAD - Tambe lo mi elabora Redactando mi charlanan pa Ateliers '89 mi a saca mi topiconan for di e sorto di temanan na cual mi a dedica mi mes ultimo añanan. E resultado ta un serie hopi varia. Mi ta spera cu e lo ta na boso agrado.

18 Mei: Kunst van het “Niet-Westen”: van Primitivisme tot Documenta XI

E serie lo cuminsa cu un charla tocante historia di evaluacion di arte no occidental. Mi lo papia entre otro tocante di obranan di artista europeo cu den fin di siglo diesnuebe y comienzo di siglo binti a busca nan inspiracion den arte “primitivo” (entre otro tocante obra di Paul Gauguin, Picasso y Paul Klee), Outsider Art y Art Brut (Jean Dubuffet).

Tambe lo mi elabora algun exposicion cu tabata importante pa nan evaluacion, por ehempel Documenta 11 na Kassel na año 2002.

19 Mei: Arte contemporaneo den Caribe I

Dos charla lo ta dedica na arte di Caribe. Esun di prome ta tematico. A base di algun tema cu nos por mira hopi den arte plastico di Caribe, mi lo elabora obranan di artistanan di entre otro Antillas Hulandes, Aruba, Barbados, Cuba, Surnam y Trinidad.

20 Mei: Arte contemporaneo den Caribe II

E di dos charla di arte di Caribe lo ta dedica na desaroyonan recien na Antillas Hulandes, Aruba y



Surnam.

21 Mei: Fotografia y arte plastico

For di evento di fotografia de e prome cuarto di siglo diesnuebe tin un influencia mutuo di e medio nobo aki y e medionan tradicional di arte plastico.

E historia ‘ki, for di siglo diesnuebe te awendia ta topico di e charla aki.

24 Mei: Fotografia di guerra
Fotografia documental ta un di e generonan di e medio cu ta wordo traha for di su invento. Cu algun ehempel di e Geura Civil Mericano,

Prome y Segunda Guerra Mundial, Guerra Civil Spaño i Guerra na Vietnam lo mi papia tocante fotografia di guerra.

25 Mei: Tecnica digital y arte plastico

Nos ta bibando den un “Post-Medium Condition”, den cual artistanan plastico no ta mara na un medio mas. Tecnicanan digital ta den pleno atencion. Den e charla ‘ki lo mi trata historia di computer y usamento di tecnica nobo digital den arte plastico, fotografia, arte di video y arte cu ta usa internet.

26 Mei: Cultura Visual

Como historiador di arte mi no ta dedica mi mes solamente na High Art, pero tambe na Cultura visual, na e manera cu cierto imagennan ta wordo usa den comunidad. Den mi penultimo charla lo mi demostra esaki cu historia di jeans.

27 Mei: Coda

Mi ultimo charla ta habri ainda. Lo mi duna un resumen y dependiendo di mi experiencia lo mi trata algun topico.

Joe Fitness Center

Conosi pa mas variacion resultado 3x mas rapido y hopi ambiente
Situa awor na Cumana 79-F (pasa Codemsa, prome caya na man robes) Tel: 588-3562 - Cel: 592-9621

**BAHA PESO, FORMA Y SERA CURPA
DRECHA CONDICION, AUMENTA ENERGIA
Y KITA STRESS DEN HARDIN.**

**Nos programanan ta varia y cu hopi ambiente:
entre otro Tae-robits; Zumba; Salsa/Merengue;
Caribbean Sweat; Floor exercises;
Free-weights & Machine-workout
y professional personal training.
Nos ta focus extra riba bahamento di barica!**

Lesnan ta entre 7:00 y 11:00 AM y 5:00 pa 9:00 PM
Tur cu ATENCION PERSONAL y GUIA PROFESIONAL
Nos tin mas cu 25 año di experiencia.

